



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 859. Usque Ad Annum 887

**Fleury, Claude**

**August. Vind. [u.a.], 1760**

**VD18 90117875**

§. 33. Guntharius Summo Pontifici refractarius.

---

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Sæculum IX. Hagano quoque Episcopus Bergomen-  
 A. C. 864. sis depositus, quem Auctorem Libelli  
 Concilio Romano ab Archiepiscopis Tre-  
 virensi & Coloniensi oblato esse dice-  
 bant. Item Joannes Archiepiscopus Ra-  
 vennas, qui violata juramenti fide cum  
 fratre suo Gregorio contra Sacrae Sedis  
 auctoritatem & contra ipsum Pontificem  
 conjuraverat. Sed hi Episcopi hujus  
 Concilii Decretis non parentes actibus  
 Episcopalis potestatis fungi non cessarunt.

## §. XXXIII.

*Guntharius Summo Pontifici refractarius.*

*Ann. Met.* Sed nec Theutgaudus, nec Guntharius  
 865. *Bertin.* imperata fecerunt. Quippe ad Im-  
 864. peratorem Ludovicum, qui tunc tempo-  
 ris Beneventi versabatur, profecti quere-  
 las audacter moverunt; se contra factos  
 fuisse depositos. Injuriam quoque Im-  
 peratori inferri, quod pessime habiti fue-  
 rint Regis fratris ejus Legati, quos ipse  
 deduci jussisset, & qui tanto freti præ-  
 sidio Romam ivissent. Hanc Archiepisco-  
 pis factam contumeliam toti Ecclesiae de-  
 decori esse, atque rem inauditam, Me-  
 tropolitanum sine consensu Principis, &  
 aliis Metropolitanis non præsentibus, e-  
 gradu suo dejici. (\*) Multis præterea  
 con-

(\*) Dissimulant, anno superiore Photium in  
 Concilio Romano depositum.

conviciis in Pontificem effusis, animum Sæculum IX.  
 Imperatoris usque adeo accenderunt, ut A. C. 864.  
 ira fervens cum Imperatrice uxore &  
 duobus Archiepiscopis Romam contem-  
 deret, Papam contumeliose habiturus,  
 nisi ambos restitueret.

Tunc vero Guntharius, is quippe ce-  
 teris seditionis auctor fuit, misso ad Fra-  
 tres suos in Regno Lotharii Episcopos li-  
 bello, in quo Theutgandum simul loquen-  
 tem inducit, summatim scripsit: *Roga-*  
*mus vos, Fratres Charissimi! ut pro no-*  
*bis oretis, & rumore invidioso, qui in* Ann. Bert.  
*vulgus spargitur, non turbemini. Quam-* & Fuld.  
*vis enim Dominus Nicolaus, quem Papam*  
*appellant, qui se ipsum numero Apostolo-*  
*rum inserit, & toti Mundo Imperatorem*  
*sese obtrudit, instigatione clientum suo-*  
*rum nos damnaverit, ita tamen ejus insa-*  
*niæ nos opposuimus, ut eum amara admo-*  
*dum facti sui pænitentia subierit. Ad-*  
*junctos epistolæ articulos vobis mittimus,*  
*ut cognoscatis, quas contra eum conque-*  
*rendi causas habeamus. Regem nostrum*  
*sæpe invisite, sermonibus & epistolis va-*  
*cillantem confirmate, & quotquot potestis*  
*amicos, imprimis vero Regem Ludovicum*  
*conciliate. Fidem, qua ei obstringimur,*  
*inviolabilem servemus. Epistolam in hoc*  
 libello sequitur Oratio invectiva in Sum-  
 mum Pontificem in sex partes divisa, cu-  
 jus hæc ferme verba sunt:

H 3

*Audi,*

Sæculum IX.

A. C. 864

*Audi, Domne Papa Nicolae! missi a  
Fratribus nostris, venimus ad te consu-  
lendum de rebus, quas inter nos definiere-  
mus, ostendimus tibi in pagina quorum  
auctoritatem secuti fuerimus, & argumen-  
ta, quæ nos moverint, sententiam tuam  
exquisitari, humiliter rogavimus, ut nos  
doceres, parati morem gerere, si meliora  
demonstrares. Postquam vero per trium  
septimanarum spatium responsum expe-  
ctavimus, nullum dedisti fixum, sed qua-  
dam die ad nos publice dixisti; quod, se-  
cundum ea, quæ in Libello essent exposita,  
excusari posse videremur. Tandem in  
conspectum tuum venire jussi sumus, &  
cum rem hujusmodi ne suspicari quidem  
liceret, clauduntur porta, Clericorum  
Laicorumque turba incondita obruimur.  
Tunc vero sine Concilio, sine examine Ca-  
nonico, sine Actore, sine testibus, nec ratio-  
ne, nec auctoritate convictos, nec confessos,  
aliis Metropolitanis & Episcopis nostris  
Suffraganeis absentibus, pro tua libidine &  
tyrannide damnare præsumpsisti. Sed Sen-  
tentiam tuam, quam abominamur, a cha-  
ritate patris (\*) fratrisque alienam sper-  
nimus,*

Guntharii  
Colonienfis  
furor.

v. 4.

(\*) Etsi Guntharius dolore & furore amens hæc scripserit, nihilominus ex ipsius verbis Romani Pontificis Auctoritas in universam Ecclesiam probatur. Cur enim Archiepiscopi Franciæ, quod  
inter



Sæculum IX. matrimonio Lothario copulatam affir-  
 A. C. 864. mabat.

Cum nunciatum fuisset Papæ, Ludovicum Imp. Romam adventare, litanias & jejunium Romanis indixit, ut Deus Principi mentem bonam & reverentiam erga Apostolicæ Sedis auctoritatem donaret. Imperatore autem perveniente Romam, & secus Basilicam Beati Petri degente, cum populus & Clerici Romani inter publicas preces gradus ante Basilicam Beati Petri cœpissent ascendere, satellites Imperatoris in pavidos irruunt, in terram prosternunt, verberibus afficiunt, atque Crucibus ac vexillis confractis fugant. In illo tumultu Crux S. Petro olim a S. Helena oblata, particulam de ligno veræ Crucis continens, confracta, & in cœnum projecta; quam deinde quidam Angli sublatam Thesauri præfecto reddiderunt. Cum hæ turbæ Pontifici, in Palatio Lateranensi moranti, fuissent indicatæ, atque confestim adfuturos, qui in ipsum manus injicerent, ratem conscendit, & Tiberi ad Basilicam S. Petri devehitur, ubi biduo nec cibum nec potum sumsit. Interim qui Crucem S. Helenæ fregerat, subito moritur, & Imperator febri corripitur. Quapropter Imperatricem ad Pontificem mittit, cujus fidei jussione Nicolaus ad Imperatorem venit, & omnibus mutuo sermone

com-

compositis Papa ad Lateranense Palatium <sup>Sæculum IX.</sup>  
 rediit, Imperator autem Guntharium & A. C. 864.  
 Theutgaudum, sicut erant, gradu suo de-  
 positos in Franciam remeare jubet.

Tunc Guntharius desperatione actus,  
 quod se Principis auxilio destitutum vi-  
 deret, per Hilduinum fratrem suum Cle-  
 ricum, illum ipsum, quem Lotharius in  
 Sedem Cameracensem intrudere tenta- *Ann. Bert.*  
 verat, dictum libellum ad Episcopos in *864.*  
 Regno Lotharii directum Pontifici mit-  
 tit, additis mandatis, ut si Papa nollet  
 eum recipere, super corpus Beati Petri  
 jactaret. Cumque Papa, ut par erat,  
 eum accipere recusasset, Hilduinus armis  
 cinctus, ut ut esset Clericus, Ecclesiam  
 S. Petri inverecunde intrat cum familia-  
 ribus Archiepiscopi fratris sui, fustibus  
 custodes venientem a Confessione S. Pe-  
 tri arcere conantes depellit, quorum  
 unus in terram concidit exanimis, Scri-  
 ptum super Corpus S. Petri jactat, seque  
 cum suis, evaginatiis gladiis, e Basilica  
 proripit. Ludovicus Imperator post  
 paucos dies Roma exiit, postquam in illa  
 commoratione Cæsarei complures ædes  
 diripuissent & incendiissent, Ecclesias ali-  
 quas effregissent, non nullos viros occi-  
 didissent, fæminas atque etiam Moniales  
 violassent. Ille Ravennam ivit, ibique  
 Dominicam Paschæ, quæ illo anno 864.  
 in diem secundam Aprilis incidebat, ce-  
 lebravit. H 5 Jam

Sæculum IX.  
A. C. 864. Jam vero Guntharius Coloniam redierat, ubi, Sententia Pontificis inhabita, in Cœna Domini Missam celebravit, & Sacrum Chrisma confecit. Sed Theutgaudus Trevirensis in Sacram Sedem reverentior ab omni Ministerio Episcopali abstinuit. Rex vero Lotharius nec Gunthario Sacris operanti adesse, nec cum eo communicare sustinuit, imo Archiepiscopatus Coloniensis possessione dejecit, aliis Episcopis id postulantibus, quibus autem inconsultis eundem Archiepiscopatum Hugoni, Regis Caroli agnato, Ordinatione Subdiacono, & si mores spectarentur, ne quidem bono Christiano, contulit. Unde Guntharius acerrime commotus quidquid de thesauro Ecclesiastico in illa civitate residuum fuit, auferens Romam iterum proficiscitur, quos dolos in negotio Theutbergæ & Waldradæ Lotharius ipseque nexuissent, proditurus.

## §. XXXIV.

*Adventius ad officium redit.*

Ceteri Episcopi ex Regno Lotharii Legatos suos cum Libellis pœnitentiæ ad Papam miserunt, profitentes, quod in illo divortio a Scriptura & Regulis Canonicis deviaissent. Lotharius quoque Ratoldum Episcopum Argentoratensem misit cum epistolis, in quibus pro  
 more